

Prof. dr. Almira Lujinović

Prof. dr. Almira Lujinović redovni je profesor za oblast Anatomija čovjeka. Medicinski fakultet u Sarajevu završila je u oktobru 1999. godine sa prosječnom ocjenom 9,12, a u toku studiranja radila je kao demonstrator na Katedri za anatomiju. U junu 2000. godine birana je u zvanje asistenta i uključena u izvođenje praktičnog dijela nastavnog procesa za studente Medicinskog, Stomatološkog i Fakulteta za tjelesni odgoj i obrazovanje, kao i Visoke zdravstvene škole. Postdiplomski studij, smjer eksperimentalna medicina, završila je 2003. godine sa prosječnom ocjenom 10.

Magistarski rad „Miokardni mostovi i njihov uticaj na nastanak koronarne insuficijencije“ odbranila je na Medicinskom fakultetu Univerziteta u Sarajevu u januaru 2006. godine, a u novembru iste godine birana je u zvanje višeg asistenta. 29. oktobra 2010. godine, na Medicinskom fakultetu u Sarajevu, odbranila je doktorsku disertaciju pod nazivom „Miokardni mostovi kao rizikofaktor u javljanju arteriosklerotičnih promjena na koronarnim arterijama“ i naredne godine je izabrana u zvanje docenta za naučnu oblast Anatomija čovjeka. U toku izrade disertacije boravila je u Njemačkom centru za srce u Berlinu (Deutsches Herzzentrum Berlin), u cilju realizacije kliničkog dijela istraživanja u sklopu doktorske disertacije, ali i naučnog usavršavanja i upoznavanja novih metoda dijagnostike oboljenja srca i krvnih sudova. Njeno naučno područje interesovanja je usmjereno, prvenstveno, na varijacije i anomalije krvnih sudova srca.

Objavila je, kao autor i koautor, 33 naučna rada in extenso u časopisima koje prate relevantne međunarodne baze podataka, a veći broj radova je prezentovala na domaćim i međunarodnim kongresima i simpozijumima. Jedan je od autora tri fakultetska udžbenika iz oblasti anatomije čovjeka. Bila je voditelj jednog naučno-istraživačkog projekta finansiranog od strane Federalnog ministarstva obrazovanja i nauke.